

Ilisimatitsissut Notat

Uunga
Til

Assinga uunga
Kopi til

23. marts 2015
Sulap nr. SJ-STD-DAGO
All.nr. 1907952

Postboks 1029
3900 Nuuk
Oqarasuaat (+299) 34 50 00
Allak.: +299 32 20 73
Email: liknn@nanoq.gl
www.nanoq.gl

AIS 2015 - aappassaaneerinninneq - marts - Aningaasaqarnermut Ataatsimiititaliap apeqquatai

2.5. Kontumut pingaarnermut 40.02.01-imut Ilinniagaqarnersiuteqartitsivik aammalu Ilinniagaqartut Ineqarfiisa Allaffeqarfiat

- a) Ineqarnermut aningaasartuutit aningaasat nalikilliarthonerat aamma/imaluunniit atuisunut akigitinneqartut ineriartornerannut malinnaatinneqarnissaat isumaliutigineqarsimava?

Akissut: Isumaliutigineqarnikuuvoq, kisianni AIS2015-imut ilanngunneqarnissaa kissaatigineqarnikuunngilaq. Ilinniartitaanermut pilersaarummi allaaserineqartutut ineqarnermut aningaasartuutini akinik aalajangiinermi tunngaviit ilinniagaqarnersiuteqarnersiuteqarnerup ilinniartunullu iniuteqarnerup aqqissuuteqqinnissaannik suliaqarnermut ilaavoq. Ilimagineqarpoq aqqissuusseqqinnerup inernera AIS 2016-imut ilanngunneqassasoq.

3.22. Immikkoortoq 6, Naalakkersuisut salliutitaat, qupp. 109

Ilinniartunut ineqarfiliornissamut aningaasalersuutissanik suli nassaartoqanngitsaq, taamaattumillu pisariaqartitsineq matussuserniarlugu namminersortunit attartortoqartariaqartoq Naalakkersuisut paasissutissiissutigaat.

- a) Sooruna ilinniartut ineqarfii suli amigaatigineqartut – Ilinniartitaanikkut suliniut maanna ukiuni amerlasuuni ingerlanneqareerpoq aammalu ilinniagaqartut amerlisarniarlugit suliniutit naalakkersuinikkut ataavartumik isumaqatigineqarlutillu tapersorsorneqarput. Ilimmarfiup sananeqarnissaa pillugu taamani Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfik tunngavilersuimmat allaat erseqqissaatigineqarpoq illutaannaata ilinniartunik tiguisarneq ukiumut 50 procentimik annertusisissagaa. Ilinniagaqartunut taama amerlatigisunut ilinnialertussatut naatsorsuutigineqartunut paasineqartunullu ilinniartut ineqarfiinik sanaartornissaq sooq pilersaarusiorneqarsimangila?

Akissut: Ilinniartut inaannik tamakkiisumik naammattunillu amerlassuseqartunik sanaartornissaq tassungalu peqatigitillugu akisussaassuseqartumik aningaasat pillugit politikkeqarlutik maannakkut Naalakkersuisuusut siusinnerusumiluunniit Naalakkersuisuunik aningaasassaqaartinngilaat aningaasassaqaartinikuunagillu. Ilinniartut inaannik amigaateqarnermut aamma pissutaavoq oqoqarneri pissutigalugu ukiuni kingullerni ilinniartut inaannik arlalinnik matusisariaqarsimaneq, taamaalilluni inissiat amerlinagit taartissaannik sanaartortoqarnikuulluni.

- b) Namminersortunit attartornikkut ilinniartut ineqarfiinik pisariaqartitat ilaat qanoq annertutigisut matussuserneqartussatut naatsorsuutigineqarpat?

Akissut: Ilinniartut inaannik namminersortunit attartornermi 2014-imi 12,5 mio. kr. missaaniittut atorineqarnikuupput. "Ineeqqat" amerlassusaat ukiup ingerlanerani allanngorartarput, kisianni nuna tamakkerlugu ineeqqat 300-t missaaniittarput.

Ilimagineqarpoq ilinniartut inaat namminersortunit attartorneqartut amerlassusaat 2015-imi allanngorpallaassanngitsut. Tassunga peqatigitillugu erseqqissarneqassaaq taamaallaat "ilinniartunut tikittunut" ilinniartut inaannik attartortoqartartoq, tassa ilinniarnep aallartinnginnerani ukiut siuliini marlunni illoqarfimmi ilinniarniusumi najugaqarsimanngitsunut. Taamaammat ilinniartunut illoqarfimmi ilinniarniusumi najoqareersunut ilinniartut inaannik ataatsimut isigalugu attartortoqarneq ajorpoq.

- c) Attartornermut aningaasartuutit qanoq amerlatigissanersut Naalakkersuisunit naatsorsorneqarsimava? Aammalu ilinniartut ineqarfiinik attartorneq imaluunniit sanaartorneq imminut akilersinnaanerunersoq pillugu naatsorsukkanik peqarpa?

Akissut: Pisortat ilinniartut iniutaattut atorineqartussanik namminersortunit attartornermut misillitakkat malillugit ukiut tamaasa 10 – 15 mio. kr.

Namminersortutik Oqartussat atortarpaat. Kisianni ilanngaaseereerluni annaasat attartornermi akiliutigineqartunit annikinnerupput, tassa ilinniartut ineqarnermut akiliutaannut tunngatillugu pisortat ilinniartut iniutaanni aamma ingerlatsinermi annaasaqartoqartarmat.

Assersuutigalugu ukiuni 30-ni ilinniartut inaannik attartornani ilinniartut inaannik sanaartukkat maannakkut nalingi erniat annertussusaattut, aningaasat naleerukkiartornissaattut inissiallu namminersortut attartortittagaasa akiisa ineriartornerattut ilimagineqartunit sunneruminartorujussuupput. Missingerneqarpoq namminersortunit attartornani pisortat ilinniartut inissaannik sanaartornermi atuinermilu ilinniartut inaannut ataatsimut ukiut 30-t ingerlaneranni qaammammut 1.000 – 4.000 kr. akornanni sipaartoqartartoq.

Aningaasalli annertussusaat taakku ilinniarniit annertusarlugit sanaartukkanik atuinermi inuiaqatigiinnut nalinginut tamassumalu kinguneranik ilinniarnuarsimanerusunik sulisoqarnermi inuiaqatigiit pissarsiaannut sanilliunneqassapput, tamanna naak namminersortunit attartornermi attartukkanut aningaasartuutit piffissap ilaani annertusiniuguualuartut.

- d) Attartornermut aningaasartuutit annikinngitsut akilersorneqarnerat ingerlatiinnarnagu Illuut realkredit-imik aningaasalersorneqartumik ilinniartut ineqarfiinik sanatinneqarpat tamanna siunissami imminut akilersinnaanersoq Naalakkersuisut naatsorsorsimavaat. Ukiualunnguit ingerlanerinnaani tamanna imminut akilersinnaavoq.

Akissut: Soorlu siulliani apeqquummut akissummi ersittoq pisortat ilinniartut iniutaannik sanaartorneq kisiat isigalugu pitsaasuvoq. Tamannali allatut iliorluni sanaartukkanut aningaasaliinermi inuiaqatigiit pissarsiaannut sanilliullugu isigineqassaaq. Assersuutigalugu ilinniartut inaannik sanaartornerup siuarsarnissaanut periarfissat Naalakkersuisut ingerlaavartumik nalilersortarpaat. Tamanna pisortanit imaluunniit Illuut A/S-imit ingerlanneqarnerasoq ukiuni aggersuni Namminersorlutik Oqartussat aningaasatigut atugassaannut tamarmiusunut apeqqutaanngilaq.

5.3 Konto pingaarneq 10.06.24 Nunatsinni tusagassiutitut naqitanut tapiissutit

- a) Kontumit pingaarnermit tassanga qinnuteqaatinik suliaqartarnermut aningaasanillu atuinermit najoqqutarisassanik erseqqinnerusunik Naalakkersuisut aalajangersaasinnaasut aalajangersaasusaanersulluunniit missingersuutitut ilanngussami oqaatigineqanngilaq. Tamanna isumaqarpa Naalakkersuisoqarfiup qinnuteqaatinik naliliinermini tapiissutinik tunniussinissamut piumasagaatit taaneqartut saniatigut pissutsit allat isiginiarsinnaagai – imaluunniit tapiissutinik tunniussinissamut piumasagaatit tamarmiusut tamakkiisullu missingersuutitut ilanngussami oqaatigineqarpat?
- b) Tusagassiivik Sermitsiaq/AG-iip aviisinut tapiissutinik qinnuteqaataata Naalakkersuisunit sulliarineqarnera pillugu suliaq maanna ingerlanneqartoq misillerfigalugu tunniussinissamut piumasagaatit pingasuusut missingersuutitut ilanngussami oqaatigineqartut erseqqissaatigineqarnissaat ataatsimiititaliamit kissaatigineqarpoq. Tassunga ilanngullugu oqariaatsit "piffissap ilaatigut", tusagassiutit "tamatigoortuunerisa" aammalu "assigiinngissitaartuunerisa" erseqqinnerusumik nassuiaatigineqarnissaat ataatsimiititaliamit kissaatigineqarpoq.
- c) Saqqummersitassat kalaallisuinnaq allassimappata imaluunniit allaatiginnittartut assigisaalluunniit nunatsinni najugaqartuussappata tamanna tamatigoortuunermit assigiinngisitaartuunissamullu siuarsaataasoq Naalakkersuisut isumaqarpat?
- d) Nunatsinni najugaqartuunissamik piumasagaat Naalakkersuisunit qanoq aqunniarneqarpa. Tusagassiortumik tapiissutinik pisartagaqartoq assersuutigalugu tusagassiortumik Danmarkimeersumik qaammatini pingasuni atorfinitsiniarpat tamanna nunatsinni najugaqarnertut isigineqassava? Freelancer-imi Kalaallit Nunaanni inunngortoq nunamili

allami ilinniartuusooq? Imaluunniit issittumi naggueqatitta atuagassiaasa uagut nammineq aviisitsigut saqqummiunnissaannut periarfissaq qanoq ippa?

- e) Allaatiginnittartut nunatsinni najugaqarnissaannik piumasaqaat Sermitsiamut ilaatigut Folketingimit naluneqanngitsutut Kalaallit Nunaata ilaasortaaffigisaanik nutaarsiassanik pissarsisarnissaq siunertaralugu allaatiginnittartumik Danmarkimi najugalimmik sulisoqartumut qanoq sunniuteqassava?
- f) Aviisit, sapaatip akunnikuutaartumik saqqummertartut, atuagassiat assigisaallu kontumit pingaarnermi matumanga tapiissutinik qinnuteqarsinnaasut qanoq amerlatigisut Naalackersuisunit ilisimaneqarpat?
- g) Aningaasaliissutit qinnuteqartut pissarsisinnaatitaasut tamarmiusut akornanni agguataarneqassasut Naalackersuisut isumaqarpat?
- h) Aningaasat suliamut atasumik, naalackersuinikkut akuleruffiunngitsumik aammalu naalackersuinikkut kalluarneqanngitsumik sulianut ilisimasallit aalajangersaasarnernannut tunngaviusoq malillugu agguataarneqartarnissaat Naalackersuisut qanoq qulakkeerniarpaat?
- i) Aningaasaliissutinut akisussaaffiup tusagassiuuteqarnermi aningaasaateqarfimmuut naalackersuinerumut attuumassuteqanngitsumut tunniunneqarnissaanik Tusagassiortut Kattuffiata kaammattuutaata malinneqarnissaa apeqqutinut siuliani allassimasunut atatillugu Naalackersuisut isumaliutigisimavaat?

Akissut: Apeqqutit immikkoortui tamaasa ataatsikkut Naalackersuisut akiniarpaat, tassa nalillerneqarmat kontumi pingaarnermi pineqartut akissummi akineqartut.

Naalackersuisut ilisimatitsissutigisinnaavaat, AI2014-imut tunngatillugu kontumi pingaarnermi missingersuutinut tapersiissutinut allannguutissaattut siunnersuut pillugu isornartorsiulluni oqaatigineqartorpassuit tunngavigalugit tapiiffigineqarsinnaasut killilernissaat, taperseeeriaatsit, tapersiinerum piumasaqaatit atugassaritneqartullu pillugit malittarisassanik aalajangersaalluni Naalackersuisut nalunaarusiussamaartut. Tamassumunnga ilanngullugu qinnuteqaateqarnerup ingerlanneqartarnera pillugu malittarisassanik aalajangersaasoqarsinnaassaaq, tassunga ilanngullugit qinnuteqarnissamut piffissaritit, qinnuteqartunut piumasaqaatit, naatsorsuutit kukkunersiuinerlu pillugit piumasaqaatit il.il.

Kulturikkut ingerlatsineq sunngiffimmilu sammisaqartitsineq pillugit Inatsisartut peqqussutaanni nr. 10, 21. maj 2002-meersumi § 31-mi, § 30, imm. 1-imut sanilliullugu, pisinnaatitsissut tunngavigalugu nalunaarusiortoqassaaq.

Sulinermi tassani qulliunerusumik tunngaviit arlallit nalilersorneqassapput, tassunga aamma ilanngullugit Aningaasaqarnermut Ataatsimiititaliap apeqquumi qulaaniittumi isumaliutit saqqummiussai.

Aningaasanik atugassanngortitsinermi paasiuminarnerulersitsinissap inatsisitigullu innarligaannginnissap nalunaarummi qulakkeernissaat taamaalilluni ilimagineqarpoq.

Nalunaarut taanna tuaviortumik suliarineqartussatut Naalakkersuisut isigissavaat, piareersaallunilu sulinermi soqutigisaqartut suliamut attuumassuteqartut peqataatinneqassapput, tassani ilanngullugit Kalaallit Nunaanni tusagassiisarnermik ingerlatsisut. Partiinit Inatsisartuni sinniisoqartunit ilanngussisoqarnissaa qulakkeerniarlugu Inatsisartut Ilinniartitaanermut, Kultureqarnermut, Ilisimatusarnermut Ilageeqarnermullu Ataatsimiititaliaat Naalakkersuisut aamma oqaloqatiginiaarpat.

Naggasiullugu ilisimatitsissutigineqarsinnaavoq kontup pingaernerup Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisumut nuunneqarnissaa AIS-ip aappassaaneerineqarnerani Naalakkersuisut siunnersuutiginiaraat. Tusagassiisanermi iliutsinut periusissianullu sulianik ingerlatsivimmeereersunut atassuteqartiitsinissaq qulakkeerniarlugu tamanna pissaaq.

6.2 Konto pingaarnaq 20.05.44 EU-mik suleqatigiinnissamut isumaqatigiisummit isertitat
20 %-it pissarsiariniarlugit Namminersorlutik Oqartussat nukinnik qanoq annertutigisunik atuippat?

Akissut: 20 %-ini taakkunani ilinniartitaanermi immikkoortut tamarmik apeqquataapput, tassunga ilanngullugit ilinniartaanermi kommunit akisusussaaffigisaanni pitsaasumik angusaqarnissaaq. Ilinniartitaanermi politikimi takussutissat akiliutissanik aalajangiiffiusartut EU Kommissionimut ukiut ataaseq allorlugu isumaqatigiinniarni toqqarneqartarput. Takussutissat taamaalillutik piffissap ingerlanerani allanngorarsinnaapput ilinniartitaanermilu immikkoortut arlaliusinnaallutik. Taamaammat isumalluutiniq "ajornanngitsumik" takussutissiisoqarsinnaanngilaq, tassa ilinniartitaanermut pisortat atugassaannut tamarmiusunut matussutissatut isertitassanut 20 %-it taakku sapinngisamik annertunerpaamik tapersiissammata.

6.4 Konto pingaarnaq 20.10.13 KNR-ip tiguisinnaatitaanermut piginnaatinneqarneranik isumakkeerinneq
a) KNR-ip aningaasaqarnikkut attanneqarsinnaasumik ingerlanneqarnissaa qulakkeerniarlugu iliussissatut pilersaarutip piviusunngortinniarnera sumut killippa?

Akissut: Aningaasatigut nappanneqarsinnaasunik ukiumoortumik naatsorsuutiniq KNR ukiuni kingullerni marlunni tunniussisarnikuuvoq.

- b) KNR-ip 2007-imi atortunut pisiaanut taartissatut atortunik digitaliusunik nutaanik KNR-ip qaqugu aningaasartuuteqarsinnaalernissaa Naalakkersuisunit naatsorsutigineqarpa? Tamatumunnga aningaasartuutissat qanoq annertutigissappat?

Akissut: TV-mi atortunut nutaanut aningaasartuutit maannakkut nalilersorneqarput. Missingersiisoqarpoq atortut ataatsimmut pisiarineqassappata millioninik marlunnik 0-innik aningaasaliisoqassasoq. Aningaasaqarnermi aaqqiinerit allat, tassunga ilanngullugu attartorneq, KNR-ip aallakaatitassiornermi ullutsinnut naleqquttunik atortoqarnissaanik qulakkiisussat naleqquttuunerannut kiisalu pisinnaatitsissummut tunngatillugu aamma nalilersorneqarput. Innuttaasunik sullissineq pillugu isumaqatigiisummi naammassisassanut piumasaqaatit malinneqassappata KNR-ip nammineq aningaasat atugassaasa iluanni piffissap sivikitsup ingerlanerani KNR-ip aningaasartuuteqarsinnaanera piviusorsiorlutut isigineqanngilaq.

- c) Kontumut pingaarnermut matumunnga suliassamut kisitsisinik ilanngussinissaq ajornanngila?
AKISSUT: Naamik.

6.8 Kontu pingaarneq 20.11.61 Ilinniartitaanermut sillimmatit Qupperneq 212-imi takussutissiaq ilanngunneqarsimasup nassuiaataa ataatsimiittitaliamit amigaatigineqarpoq aamma taamaappoq takussutissiap taassuma assinga AI 2014-imiittoq eqqarsaatigalugu.

Akissut: Ilinniartitaanermi Immikkut Ittumik Pilersaarummi alloriarnerup aappaanut tunngatillugu kontumi pingaarnermi 2011.61 Ilinniartitaanermut sillimatit-ni takussutissiarli allanngortinneqarpoq. Takussutissiaq nutaaq taamaallaat suliniutinik nutaanik ingerlasunillu aamma Ilinniartitaanermut pilersaarummi II-mi allaaserineqartunik imaqarpoq. Kisiannili suliniutit aningaasaliiffigineqarnikut takussutissiami ilanngunneqarput. Suliniutit aallartinneqarnikut saniatigut ilinniartitaanermi ingerlatsinermi 2005-imiit qaffaassutit takussutissiami aamma takutinneqarput. Ingerlatsinermi qaffaassutit Ilinniartitaanermi Immikkut Ittumik Pilersaarummut atatillugu siusinnerusukkut suliniutinik ingerlatsinermit nuunneqarsimasunik kiisalu tamanut tunngatillugu akissarsianik akinillu siumut naatsorsuineq ilanngunneqarput.

Ilinniartitaanermi Immikkut Ittumik Pilersaarummi alloriarneq siulleq (2007-2013) pillugu siusinnerusukkut takussutissiami piffissamut tamarmut suliniutinik tamarmiusunik imaqarpoq; aallartinneqartut nutaat suliniutillu ingerlatsinermit nuunneqarnikut. Ingerlatsinermi kingusinnerisukkut tulliinnilersuinerit/sipaarniutit tabelimi tamatigut nutarterneqartarnikuunngillat. Tamassumani ilinniartitaanermut aningaasat tamarmiusut qaffakkaluttuinnartut ilanngullugit ukiut arlaqanngitsut qaangiuttut tamanik takunniffiusinnaanngitsunik allattuiveqalerpoq.

Takussutissiami nutaami suliniutit ingerlasut takuneqarsinnaapput, tassungalu peqatigitillugu Ilinniartitaanermi Immikkut Ittumik Suliniutip aamma Ilinniartitaanermut Pilersaarut II-p akornanni tabeli imminut atassuteqartitsilluni.

Siusinnerusukkut suliniutaasimasut takuneqarsinnaanissaat kissaatigineqarpat taakku siusinnerusukkut aningaasaqarnermut inatsisaasuni tamatigut takuneqarsinnaapput.

10. Suliassaqaarfik 40 Ilinniartitaanermut, Kultureqarnermut Ilisimatusarnermut Ilageeqarnermullu Naalakkersuisoq

10.1 Kontu pingaarneq 40.01.01 Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqaarfik Maanna toqqortaatigineqartut aalajangersimasumik najoqqutaqarluni suliarineqartarnissaannut kiisalu elektroniskimik toqqortaatigineqartut ineriartortinneqarnissaannut atugassatut kontumi pingaarnermi matumani aningaasaliissutit 1,0 mio. kr.-inik amerlineqarput.

a) Toqqorsiviit taakku filminut toqqorsivinnik ilaqarpat?

Akissut: Aap, Namminersorlutik Oqartussat toqqortaaf filmiuppata.

b) Ingerlatat pitsaasuunissaat pissarsiviulluarnissaallu qulakkeerniarlugu naalakkersuisoqarfiup nakkutilliinera ineriartortitsineralu aamma peqataanera qanoq isumagineqarpa?

Akissut: Naalakkersuisoqarfimmi ingerlatsinermi suliassanik allanik tamanik aqutsinermi nakkutilliinermi atugassarisat assigalugit tamanna ulluinnarni aqutsisunit suliarineqarpoq.

10.2 Kontu pingaarneq 40.01.08 Ilinniartitaanermut tunngasuni immikkoortumut pilersaarut

Kontumi pingaarnermi matumani aningaasaliissutit nassuiaatitaqanngitsumik 12,6 mio. kr.-inik amerlineqarput.

a) Amerlineqarnerannut suna pissutaava?

Akissut: Qaffaanermut pissutaavoq ilinniartitaanermi immikkut ittumik suliniummut aningaasat kontumi pingaarnerni allani atugassanngortinneqanngitsut 40.01.08-mut ilanngunneqarnerat. Taamaamat kontumi aningaasat katinnerat ukiut tamaasa allanngorassaaq, aamma ilinniartitaanermi immikkut ittumik suliniummi aningaasat sanaartornermut atugassanngortinneqartut annertussusaannut tunngatillugu. AIS 2015-imi 9 mio. kr. inunnik isumaginninnermi sulisunik ilinniartitsinerup piginnaasaannillu qaffassaanerup annertusarneqarnerannut tunngasut aningaasaliissutit qaffannerannut annertuumik pissutaavoq.

b) Kontumut pingaarnermut 20.11.61-imut atatillugu quppernermi 212-imi takussutissiaq nassuiaatissartalernagu ilanngunneqarsimasoq, tassani kontu pingaarnerup 40.01.08-p nalaani 5,0 mio. kr.-it 2014-imi suliniummi Meeqqerivitsialammi "Suli atualinngitsunut tunngasumut" atugassatut nalunaarneqarput. Taakku ataqatigiinnerat itisilernerqassasoq ataatsimiititaliamit kissaatigineqarpoq.

Akissut: Konto pingaarneq 20.11.61 ilinniartitaanermut sillimmatit tassaavoq "ilinniartitaanermik immikkut ittumik suliniuteqarnermik" EU-mut nalunaarusiornermi atorneqarnerusartumik takussutissiaq. Ingerlatsinerit tamarmik kontumi pingaarnermi 20.11.61 ilinniartitaanermut sillimmatit allatorneqarnikut aningaasaqarnermi aningaasanut inatsimmi kontunut pingaarnernut allanut inissinneqarput. Taamaalilluni kontumi pingaarnermi 40.01.08 5 mio. kr. suliniummut Meeqqerivitsialak-mut ilinniartitaanermik immikkut ittumik suliniutit ilagisaannut immikkoortinneqarput.

- c) Suliassanut takussutissiaq paasiuminartoq aningaasaliissutit piffissap ingerlanerani ineriartornerannut nassuiaataasinnaasoq ataatsimiititaliamit ujarorneqarpoq.

Akissut: 2014-imut naatsorsuutit kiisalu 2015-imut missingersuutaagallartut ilanngullugit nassiunneqarput. Ilisimatitsissutigineqassaarli kontumi pingaarnermi atukkat eqqortut ukiup aningaasaqarnermut inatsiseqarfiup ingerlanerani ingerlaavartumik allanngortinneqartartut, tamannalu kontup pingaarnernup qulliuernerusumik siunertaa malinneqartillugu aningaasaliissutit qaffannissaannik qinnuteqarnermi pissanngitsaq.

10.4 Konto pingaarneq 40.02.03 Aningaaserivinnit taarsigassarsiaritit Aningaasaliissutit (1) ilinniagaqarniarluni taarsigassarsianut, (2) aningaaserivinni aamma ilinniagaqarniarluni taarsigassarsianut akilinngitsoorneqarsimasunut akiliutinut kiisalu (3) amerlavallaanik ilinniagaqarnerisuteqarsimalluni matussusernissaannut taarsigassarsianut qanoq agguataarsimanersut paasissutissiissutigineqassasoq ataatsimiititaliamit kissaatigineqarpoq.

Akissut: 2014-imi 11.857.555 kr. ilinniagaqarnermi taarsigassarsiaritinneqarput, taarsigassarsiat akilerneqarnikuunngitsut 2.957.946 kr. akilersinneqarnikuullutik aammalu ilinniarnermi taarsigassarsianut tapiissutit annertuallaamik akilerneqartut 1.253.037 kr allanut nuunneqarlutik.

Taarsigassarsianik akileqarneqanngitsunik akiliitsiniarnermi innuttaasut taarsigassaat pisortat akiliitsiniartarfianut nassiunneqartarput.

10.5 Konto pingaarneq 40.02.06 Ilinniarnermi tapiissutit meeqqanullu tapit

- a) Suliassami kisitsisit qaffakkiartornerat aningaasaliissutillu ikiliartornerat imminnut qanoq ataqatigiinnerat paasissutissiissutigineqassasoq ataatsimiititaliamit kissaatigineqarpoq?

Akissut: Ingerlatsineri kisitsisit kukkunikkut AIS2015-imi naqqinneqanngillat. Tamanna aappassaaneerinninnermi ilanngunneqassaaq.

- b) Ilinniarnermut sivilissuseritinneqartup iluani ilinniagaqartut ilinniarnerminnik naammassinnittartut procentiat, tamatumalu kontumut pingaarnermut matumunnga qanoq sunniuteqartarsinnaanera eqqarsaatigalugit Naalakkersuisut qanoq misilittagaqarnersut paasissutissiissutigineqassasoq ataatsimiititaliamit kissaatigineqarpoq?

Akissut: Apeqqummut atasunik paasissutissanik suliat ilinniagaqarnerisuteqarneq ilinniartullu inaat pillugit aaqqissuusseqqinnermik suliaqarnermut maannakkut ingerlanneqartumut ilaassapput. Aaqqissuusseqqinnermi piffissap ilinniarfiusussatut aalajangerneqartup qaangerneqarnerani "tapersiissutinut qiorsinerit" annikillisinneqarneri atugassatut missingiutit annikillinerannik kinguneqassaaq. Ilinniagaqarnerisutinut aningaasatigut kingunissai siusinnerpaamik AI 2016-imi sunniuteqassapput.

- c) Kontumi pingaarnermi matumani aammalu kontumi pingaarnermi 40.02.07-imi suliasami kisitsisini ukiumut ilinniartut amerlassusiisa assigiinngissuteqarnerannut kalaallit Danmarkimi ilinniagaqartut ilinniarnerminnut atatillugu Kalaallit Nunaannit tapiissutinik pisartagaqartut 475-it missaaniinnerannut takussutissaava?

Akissut: Aap

10.6 Kontu pingaarneq 40.10.06 Kalaallit Nunaanni efterskolit ingerlanneqarnerinut tapiissutit

- a) Efterskolit marluusut aqquutigalugit nunatsinni efterskolini inissanik pisariaqartitsineq matussuserneqarpa?

Akissut: Apeqqummut tassunga akissummi ilinniagaqarnermut sulliffeqarnermullu periusissiat apeqqutaassapput. Inuusuttunut anguniakkanut suliniutit allat apeqqutaallutik Kalaallit Nunaanni efterskolenik pisariaqartitsineq annikillisinnaavoq annertusisinnaalluniluunniit.

Erseqqissarneqassaaq efterskolet ilinniarfiusut imminnut pigisut, Naalackersuisullu, inatsisit atuuttut naapertorlugit, efterskolenik pilersitsinnissamut ingerlatsinissamullu periarfissaqanngillat.

- b) Efterskolini marluusuni atuartunik nunanit allaneersunit atuartuuteqarnissamut periarfissaqarpa?

Akissut: Aap.

- c) "Meeqqanut immikkut pisariaqartitsisunut ilinniartitsinermut tapiissutit" erseqqinnerusumik qanoq paasineqassanersoq paasissutissiissutigineqassasoq ataatsimiititaliamit kissaatigineqarpoq?

Akissut: Imatut paasineqassaaq Maniitsup Efterskolea immikkut pisariaqartitsisunik atuartuuteqarsinnaassasoq perorsaanermillu suliaqarsinnaalluni, kisiannili annertuumik innarluuteqartunik atuartuuteqarsinnaanani. Taamaammat Maniitsup Efterskolea efterskolemi atuartuuteqalernermini qinnuteqartut immikkut pisariaqartitsisut salliutillugit akuerisassavai.

- d) Inuusuttut taama amerlatigisut meeqqat atuariannit anisut ilinniagaqalernissamut piareersaataasumik ilinniartitaanernut il.il.

piareersinnaaqullugit inuttut atuagarsornikkullu ingerlatsinissaat pisariaarutequllugu efterskolinut aningaasaliinerit amerlinagit meeqqat atuarianni atuagarsornikkut nalinginnaasutigullu annertusaasoqartariaqartoq suliassa qarfirmut naalakkersuisoqarfik siusinnerusukkut isumaqarpoq. Suli taama isumaqartoqarpa, taamaassimappallu tamanna qanoq piviusunngortinniarneqarniarpa?

Akissut: Meeqqat atuarianni qaffasissutsip qaffannissaa Naalakkersuisut annertuumik isiginiassavaat. Tamanna kommunit, angajoqqaat sulisullu kattuffii suleqatigalugit pissaaq. Kisiannili meeqqat atuarianni qaffasissuseq apeqqutaatinnagit innuttaasut arlallit inuttut ineriartornertik illoqarfillu najugaqarfigisaq qimallugu ilinniarsinnaanermut piareersimanertik efterskolemiinnerminni sulii qaffassassavaat.

- e) Kontumut pingaarnermut tassunga atatillugu Piareersarfiit pinnagit meeqqat atuarii ilinniarsiillu allat, tassunga ilanngullugit inuussutissarsiutinut ilinniarsiit nukittorsarneqarnissaasa suliniutigineqarnissaat ataatsimiititaliamit oqaluuserineqarpoq. Tamanna pillugu aamma takuuk konto pingaarneq 64.13.23, Piareersarfinnut tunngasoq. Taamaalluni ataatsimiititaliap paasinninnera malillugu pingaartumik inuusuttut sanngiinnerusortaasa ineriartornerisa siuarsarneqarnissaannut inuttullu isumannaariffigineqarnissaannut efterskolit Piareersarfinnit naleqqunnerupput. Naalakkersuisut oqaaseqaateqarnissaat qinnutigineqarpoq.

Akissut: Tamassuminnga nalilersuineq suleqatigiissitaliap sulianik assigiinngitsunik suliaqartunik ilaasortaqtup inuusuttunik anguniakkanik nalilersuisup sulinerani ilaassaaq. Suliap taassuma ilaatut suliassat agguarneqarnissaannik inassuteqaateqartoqassaaq, tassunga ilanngullugu efterskoleni Piareersarfinnilu atusut amerlassusiat.

Efterskolet Piareersarfinni FA-mik ingerlatsinerup assinganik aaqqissuussamik piginnaasanik qaffaanissamik neqerooruteqartarput. Efterskolet taamaamat aaqqissuussamik piginnaasanik qaffasaanermut tunngatillugu Piareersarfiit FA-mi neqerooruteqarnerannik taarsersinnaavaat. Kisiannili efterskoleni 18-inik ukioqartut qummut killigitippaat Piareersarfinnilu FA-mi peqataasut amerlasuut 18-it qaangerlugit ukioqarput. Taamaamat Piareersarfinni FA-mi ingerlatsinermi atuartuutiginiakkat efterskoleni FA-mik atuarsinnaasut amerlassusiat killeqarput. Efterskolet sulisoqarfiummata imminnut pigisut Namminersorlutik Oqartussat, immikkoortumi inatsisit naapertorlugit, efterskoleni toqqaannartumik pilersitsisinnaangillat.

10.7 Konto pingaarneq 40.10.11 Ado Lyngep Atuarfia

"Ukiutum ilinniartumut aningaasartuutit"-ni suliassami kisitsisaasussat naatsorsutigineqartut akimulluni naliliinermut imaaliillaannarluni atorneqarsinnaanngitsut Naalakkersuisut paasissutissiissutigaaq. Taamaattumillu ataatsimiititaliaq isumaqarpoq suliassami kisitsisinik atuariannik allanik sanilliussinissamat naleqqunnerusunik ilanngussisoqartariaqartoq. Tamanna assersuutigalugu ilinniarnertuunngorniarsiit aammalu tunngaviummik ilinniarsiit eqqarsaatigalugit pisimavoq. Tamanna qanorpiq pisinnaava?

Akissut: Ado Lyngep Atuarfiatut itunik allanik atuarfeqanngilaq, tassa atuarfik meeqqat atuarfianni atuartunut annertuumik innarluuteqartunut tunngatillugu ulloq unnuarlu annertusisamik neqerooruteqarmat. Annertussutsit taamaammat sanilliunneqarsinnaanngimmata assigiinngitsut akornanni nalilersuineranut atorsinnaanngillat.

10.8 Kontu pingaarneq 40.10.12 Efterskolit

Danmarkimi efterskolimiinnermut tapiissuteqartarneq pillugu Namminersorlutik Oqartussat nalunaarutaanni nr. 22, 23. december 2013-imeersumi § 8 ima oqaasertaqarpoq:

"§ 8. Angajoqqaatut oqartussaasut efterskolernissap aallartinnera ukiunik marlunnik sioqullugu ukiumut kr. 280.000 qaangernagit akileraaruteqaataasussanik ataatsimut isertitaqarsimappata, § 7 malillugu tapit saniatigut, angajoqqaat akiliutissaannut apparsaatissamik immikkut tapiisoqassaaq, aningaasanut inatsimmi aningaasaliissutit aalajangiussat iluanni."

- a) Maleruagassat taakku allanngortinneqarnissaat Naalakkersuisunit isumaliutigineqarsimanersoq paasissutissiissutigineqassasoq ataatsimiititaliamit kissaatigineqarpoq.

AKISSUT: Naamik.

10.9 Kontu pingaarneq 40.10.15 Atuarfimmi nerisaqartitsineq

Tamanna kommunit suliassa qarfigaata aammalu suliassa qarfirmut akisussaaffiup kommunimut tunniunneqarnissaa siunertaajuarsimasoq ataatsimiititaliap ilisimavaa.

- a) Suliassa qarfirmut akisussaaffiup tunniunneqarnissaa pillugu kommunit tusarniarneqarsimappat?

Akissut: Tamanna kommunit akisussaaffigereerpaat.

- b) Aningaasaliissutit ikilineqarnissaat akueralugu kommunit nalunaaruteqarsimappat?

AKISSUT: Naamik. Naalakkersuisut naliliipput immikkoortoq siunissami inaarutaasumik tamakkiisumillu taamaallaat kommunit tullerinnilersuinerannut ilaasaasoq, tassaanngitsoq aningaasanut inatsimmi immikkut kontumi kommunit ingerlatsinermi suliassaannut Namminersorlutik Oqartussat tapersiivigisartagaannik tapersiisanermik aqqissuussineq.

- c) Aaqqissuussineq kommunini sorlarni ullumikkut atorneqarpa?

Akissut: Aaqqissuussineq Kujallermi, Sermersuumi Qeqqatalu kommuniani atorneqarpoq. Aaqqissuussineq Qaasuitsup Kommuniani atorneqanngilaq.

10.10 Kontu pingaarneq 40.90.02 Kalaallit illuinut tapiissutit

Danmarkimi kalaallit inooqataanikkut ajornartorsiutillit amerliartuinnarnerneqartut Danmarkimi kalaallit illuisa aningaasaqarnerannut qanoq sunniuteqarpat?

Akissut: Kalaallit Illuisa neqeroorutitik aningaasatigut qaqugukkulluunniit sinaakkutiminnut naleqqussartarpaat, taakkunungalu Namminersorlutik Oqartussat pingaarnertut tapersiisartuupput kisimilli tapersiisaratik. Taamaammat Danmarkimi kalaallit inuttut atukkatigut atugarliortut amerliartorunnaarnerat illut aningaasaqarnerannut toqqaannartumik pingaaruteqanngilaq.

10.11 Siunertamut konto 40.91 Inuussutissarsiornermi atuariit

- a) Inuussutissarsiutinut ilinniartitaanerit nunatsinni neqeroorutigineqartut pitsaassusiat Naalackersuisunit qanoq qulakkeerneqarsimava?

Akissut: Sulisitsisut inuussutissarsiutinut ilinniarfinit ataasiakkaaneersunik sulisoqalersartut qanimut oqaloqatigalugit pitsaassuseq qulakkeerneqartarpoq. Tamanna inuussutissarsiutinut ilinniarterit aamma ilinniartitaanermi pikkorisartarneq pillugit Inatsisartut inatsisaanni annertunerusunik malittarisassaqaartinneqarpoq, tassani qitiusumik ilinniarfinni siulersuisut pillugit malittarisassat aalajangersarneqarnikuullutik. Tassani ersippoq siulersuisut ilinniarfinit ataasiakkaanut tunngatillugu sulisitsisuni sulisunilu pingaarnertut soqutigisaqartuneersunik ilaasortaqaassasut.

- b) Kalaallit Nunaanni ilinniarfimmi inuussutissarsiutinut ilinniartitaanermik ingerlataqarsimasoq Danmarkimi inuussutissarsiutinut ilinniartitaanerp assinganik ilinniagaqarsimasunut sanilliulluni Danmarkimi atorffitaarnissamut ilinniqaqqinnissamulluunniit assinganik periarfissaqarpa?

Akissut: Inuussutissarsiutinut ilinniarterit Danmarkimi ilinniarterit ataatsimut isigalugu qaffaseqatigaat. Kisiannili Kalaallit Nunaanni ilinniarterit ilaat, assersuutigalugu Piniartutut aalisartutullu ilinniarneq kiisalu Kalaallisuulerinermik ilinniartitaaneq, Danmarkimi inuussutissarsiutinut ilinniarnernut sanilliunneqarsinnaanngillat.

10.12 Konto pingarneq 40.91.03 Pikkorisartitsineq

- a) Nunatsinni innarluutilinnik sullissisuusut ilinniagaqarnissamut piginnaangorsarnissamullu pisariaqartitaat aallaavigalugit Naalackersuisut iluussissamik sulissamullu piareersaasiamik innarluutilinnik sullissinermi piginnaangorsarnissamut pisariaqartitat tamakkiisumik pigilernissaannut tikkuussisunik UPA 2015-imut saqqummiusseqqullugit peqquneqarnissaannik Inatsisartut aalajangiiffisassaattut siunnersuut UPA-2014/111 Inatsisartunit akuersissutigineqarpoq. Pilersaarutip suliarineqarnera sumut killippa aammalu tassani kaammattuutit aningaasaanut inatsimmi aningaasaliissutinut qanoq sunniuteqassanganneqarpat?

Akissut: Inuussutissarsiornermut, Aatsitassaqaqarnermut Suliffeqaqarnermullu Naalackersuisoqarfik, Ilaqutariinnermut Inatsisinillu Atuutsitsinermut Naalackersuisoqarfik, Peqqissutsimut Attaveqaqarnermullu Naalackersuisoqarfik kiisalu Ilinniartitaanermut, Ilageeqarnermut, Kultureqaqarnermut Naligiissitaanermullu Naalackersuisoqarfik suleqatigiillutik innarluutilinnik sulisut ilinniarnertat piginnaassaannillu qaffarsaaneq pillugu periusissiaq iluussissatullu pilersaarut suliarissavaat. Suliniutit taakku suliarineqarnerannut aningaasat

naalackersuisoqarfiup aningaasatigut sinaakkutaasa atuuttut iluanni immikkoortinneqassapput, taamaammallu inassuteqaatit aningaasanut inatsimmi aningaasaliissutinut kingunissaat ilisimaneqanngillat.

Innarluutillit pillugit pilersaarut kontumut pingaarnermut tassunga aamma atassuteqanngilaq.

b) Pikkorissartitsinermit tunngasuni naliliinerit qanoq ittut suliarineqarsimappat?

Akissut: Qitiusumik ilinniarfiit ataasiakkaat, AMA-mi atugassaritineqartut atorlugit pikkorissarnernik neqerooruteqartartut, pikkorissarnerit ataavartumik ineriartortittarpaat. Neqeroorutiniq imarisaannillu aalajangersaaneq taakku siulersuisuisa aalangeereernerisigut qitiusumik ilinniarfinni ataasiakkaani pisarpoq. Taamatut pisoqartarpoq neqeroorutini pitsaassusaannilu inuussutissarsiortut pisariaqartitaasa annertunerpaamik malinneqarnissaat qulakkeerniarlugu.

10.13 Konto pingaarneq 40.91.05 Inersimasunut ilinniarfitaaneq
Aningaasaliissutit matumani pineqartut ilinniarfinnut aalajangersimasunut immikkut attuumassuteqarpat?

Akissut: Aningaasaliissutit KTI-mit ingerlanneqartarput aaqqissuussinerli qitiusumik ilinniarfinnit tamanit aningaasaliissutit annertussusaasa iluanni atorneqarsinnaavoq.

10.14 Konto pingaarneq 40.91.07 Center for Arktisk Teknologi
Issittumi ingeniorit diplomitaarniarluni ilinniarfitaanerup aalajangersimasumik atuutilerpera, taamaalillunilu ilinniarfitaanerup aallartisarneqartutut inissisimajunnaarnera aningaasaliissutit ikilineqarnerannut tunngavilersuutigineqarpoq. Tamanna ataatsimiititaliamit naammagisimaarneqarpoq, aningaasaliissutilli ikilineqarnerat ilinniarfiup suliaanut pitsaanngitsunik annertuunillu kinguneqassanngitsaq uppernarsisikkumanearluni?

Akissut: Appaaneq ilinniarfiup naammassisaqarsinnaassusianut ajortumik kinguneqanngilaq.

10.15 Kontu pingaarneq 40.91.14 Kalaallit Nunaani Imarsionermik Ilinniarfik
a) Missingersuutinut ilanngussami suliasami kisitsisinut takussutissiami Iserfittatut taaneqartut (kr. 14.428) aammalu Aningaasaliissutit katillugit + tapiissutini oqaatigineqartut (kr. 19.303) akornanni qanoq ataqatigiittoqarnerisooq nassuaatigineqassasoq ataatsimiititaliamit kissaatigineqarpoq.

Akissut: Iserfittat (kr. 14.428) ingerlatat apeqqutaatillugit tapiissutinit isertitanik kiisalu ingerlatanit isertitsissutaasartunik allanik (tassaagajuttunik pikkorissartitsinerit ilinniarfittu inaanneqarneq akiliutit) imaqarput. Aningaasaliissutit + tapiissutit katillugit (kr. 19.195) tunngaviummik aningaasaliissutinik kiisalu isertitat ilaannik ingerlatat apeqqutaatillugit tapiissutineersunik imaqarput.

- b) Suliniutit tapiissutillu imminnut ataqatigiissinneqarmata ataatsimut isigalugu isumatusaarnerusq ataatsimiititaliaq isumaqarpoq, taamaattorli suliniutit aallaavigalugit tapiissutit ataatsimut isigalugu qanoq misilittagaqarfigineqarpat?

Akissut: Misilittagaavoq taxameterimik aqutsineq, ukiuni pineqartuni qitiusumik ilinniarfiit sinneqartoorutaannik amigartoorutaanilluunniit ilallugit (killissaasa nalinginut oqaaseqaatini aalajangerneqartunut) ukiumut aningaasanut inatsiseqarfiusumut tullermut nuunneqartarnerat qitiusumik ilinniarfinni aningaasatigut annertuumik akisussaassuseqarnermik aningaasaliissutillu piffissamut sivisuumut periusissiamilu pitsaanerusumik atorneqartarnerannik kinguneqartartoq.

- c) Ilinniartitaanerit assigiinngitsut nunani allani atorneqarsinnaaqullugit aammalu ilinniarfimmi ilinniartut inuttanut nunani allaneersunut nunami allami assinganik ilinniagaqarsimasunut unammillersinnaaqullugit ilinniarfimmi ilinniartitaanerit pitsaassusii qulakkeerniarlugit qanoq iliortoqartarpa?

Akissut: Ilinniarnerni Imarsiornermik Ilinniarfimmi neqeroorutigineqartuni Nunat Tamat akornanni Imarsiornermut Katuffiup (IMO) ataani taamaalillunilu STCW-mi aamma STCW-F-imi nunat tamat akornanni pitsaassutsit atuuttut tamakkiisumik malinneqarput. Imarsiornermik ilinniarnerni tamani Imarsiornermik Ilinniarfimmit neqeroorutigineqartuni nunat tamat akornanni piumasaqaatit atuuttut malinneqarnissaat qulakkeerniarlugu Søfartsstyrelsemik pitsaassusilerneqartarput. Ilinniartut, maannakkut Imarsiornermik Ilinniarfimmi ilinniartut, taamaalillutik inuttanut nunanit allaneersunut tamakkiisumik unammillersinnaapput.

- d) Kingullertut apeqqutigineqartoq nangillugu Paamiuni, Nuummi Uummannamilu immikkoortortat eqqarsaatigalugit nunatta avannaani praktikernermi atugassarititaasut pitsaassusaannik Naalakkersuisut naliliinissaat ataatsimiititaliamit kissaatigineqarpoq?

Akissut: Imarsiornermik ilinniarnerni praktikertoqarneq ajorpoq. Kisiannili Uummannami piniartutut aalisartutullu ilinniarnernup ilaatut praktikkerneermik atuarfik pilersitsinikuuvoq.

10.16 Konto pingaarneq 40.92.10 Folkehøjskolit

- a) Højskolit aningaasaqarnikkut ajornartorsiutaasa qanoq aaqqiivigineqarnissaannut isumaqatigiittoqanngitsaq 2014-imi aningaasanut inatsissatut siunnersuutip oqaluserineqarneranut atatillugu Naalakkersuisut paasissutissiipput. Suliap tamatuma killiffia paasissutissiissutigineqassasoq ataatsimiititaliamit kissaatigineqarpoq, tassami ataatsimiititaliap aningaasaliissuteqarnissamik nammineq suliani 01.31.06/00683 soorunami ilisimammagu, taamaattumillu pissutsit suliami tassani taaneqartut Naalakkersuisunit erseqqinnerusumik oqaaseqaateqarfigineqartariaqarnatik.

Akissut: Højskolit taakku marluk suli oqaloqatigineqarput, kisiannili højskolit aningaasatigut ajornartorsiutaat qanoq aaqqinneqassanersut isumaqatigiissutigineqarnikuunngilaq.

- b) Namminersorlutik Oqartussat nammineq atuariutai ilinniarfiutaalu assigalugit aammalu taamatut aningaasalersorlugit højskolit Namminersorlutik Oqartussat ilinniarfiutaanermut suliniutaannut ilanngunneqarnissaat Naalackersuisunit isumaliutigineqarsimava aammalu højskolit imminut pigisutut atorunnaarsinngikkaluarlugit pisortanillu pigineqalersinngikkaluarlugit tamanna ajornassanngila?

Akissut: Inatsisit maannakkut atuuttut ataanni højskolit Namminersorlutik Oqartussat ilinniarfiit assigalugit Namminersorlutik Oqartussat ilinniarfiutaanermik suliniuteqarnerannut ilanngunneqarsinnaanngillat. Højskolelli Højskolet pillugit Inatsisartut inatsisaanni atuuttumi aaqquissuussamik piginnaasanik qaffarsaalluni ilinniarnernik arlalinnik neqerooruteqarnissamut periarfissaqarput. Tamannali ilinniarnernik pineqartunik nalinginnaasumik neqerooruteqartartumut isumaqatigiissuteqarnikkut pissaaq.

10.17 Konto pingaarneq 40.92.12 PhD-mik ilinniagaqartutut ilisimatusarnermik ilinniarneq

- a) PhD-mik ilinniagaqartut ilisimatusarnerminni soraarummeerutaasa tamanit takuneqarsinnaasunngortinnissaat ilimmarfimmit suliniutigineqarnerseq paasissutissiissutigineqassasoq ataatsimiititaliamit kissaatigineqarpoq.

Akissut: PhD-nngorniarnernit PhD-nngorniarsinnaanerillu ilisimatusarfimmut atanerunngillat. PhD-nngorniarsinnaaneq Nunatsinni ilisimatusarnermut Siunnersuisoqatigiit qulliuernerusumik ataaniippoq, taakkulu PhD-nngorniutit taakkunanilu inerniliinerit naqiterneqarnissaat ukiuni aggersuni aaqquissuussamik suliniutigissavaat.

- b) Ilimmarfimmi ilisimatusarnerup pitsaassusia sutigut tamatigut ilinniagassatigut tunngaviusumik naammaginatutut Naalackersuisunit isigineqarpa? Apeqqut assersuutigalugu nunatsinni nunaqarfiit pillugit 2013-imi Phd-tut soraarummeerutigisap akuerineqarnera tunngavigalugu isigineqarsinnaavoq, tamatumammi kingorna periuernerineqartut malitsigisaanillu inerniliussat teknikimut tunngasumik tunuliaqutit allakkiaq 2014-01-imi Aningaasaqarnermut Siunnersuisoqatigiinnit naqqiivigineqarput.

Akissut: PhD-nngorniut pineqartoq nunat tamat akornanni pitsaassutsit atuuttut malillugit akuerineqarpoq. Taamaammat suliamik ingerlatsisut naliliinerisa PhD-tut akuerinerinut atatillugu pisartup saniatigut PhD-nngorniutit ataasikkaat qulliuernerusumik akuerinissaannut Naalackersuisut tunngavissaqanngillat. Ilisimatusarnerup sulisup atorfeqarnermi atugassaritinneqartut ilaatut pisup qulliuernerusumik atuarluarneqarnissaata annertusarnissaanut periarfissat pillugit Naalackersuisut ilisimatusarfik ataavartumik oqaloqatigisarpaat. Kisiannili sumulluunniit atassuteqarani ilisimatusarsinnaanermik tunngaveqarneq ataqqillugu oqaloqatigiinnerni taakkunanani ilisimatusarnerit aalajangersimasut oqallisigineqallatsiartarput, taamaallaalli qulliuernerusumik pisarlutik.

10.18 Kontu pingaarneq 40.92.13 Ilisimatusarfik

- a) Kontup pingaernerup taaguutaa Ilimmarfimmit Iisimatusarfimmut allangortinneqarpoq. 2014-imi aningaasanut inatsisissatut siunnersuutip oqaluuserineqarnerani Naalakkersuisut nassuiaapput Iisimatusarfik tassaaginnarmat ilinniarfiit Ilimmarfimmi inissisimasussat ilaat. Taaguutit atorneqartut eqqortuusut Naalakkersuisut taamani nalliipput. Taavami taaguutit allangortinneqarnera sumik tunngaveqarpa?

Akissut: AIS 2015-imut missingersuutitut tapersiissutit misissorneranni paasineqarpoq, kontumi pingaernermi 4.92.13 Iisimatusarfik Ilimmarfimmit illoqateqarneq pinnagu taamaallaat ilinniarfimmut Iisimatusarfimmut aningaasaliisoqartoq. Tamassuma kinguneranik aningaasaliissutit siunertaat aningaasaliiffigineqartorlu erseqqissarniarlugit kontup pingaernerup taaguutaata allangortinissaa siunnersuutigineqarpoq.

- b) Ilimmarfik missingersuutitut ilanngussami taaneqartoq tassaava Iisimatusarfiusimasoq aammalu Oqaasileriffiup, Nunatta Atuagaateqarfiata Nunattalu Katersugaasiviata Allagaateqarfiatalu Iisimatusarfiup illutaaniinnerarneqarnerat Naalakkersuisut qanoq isumaqartippaat (Takuuk qupp. 397).

Akissut: Quppernermi 397-imi allaqqanngilaq "Oqaasileriffik, Nunatta Atuagaateqarfia aamma Nunatta Katersugaasivia Iisimatusarfimmut ilaapput". Allaqqavoq Ilimmarfimmut ilaasut.

Instituti Ilimmarfik/Iisimatusarfik pillugu apeqqut erseqqarissumik akineqarsinnaanngilaq, tassa taaguut "Iisimatusarfik" ukiuni arlaqartuni taaguutit ullaannarni marloqiusamik atorneqartarmat. Iisimatitsissutigineqarsinnaasutuaq tassaavoq instituti Ilimmarfik Iisimatusarfimmi ilinniarnermut Ilinniaatsinut Institutip aamma Peqqissaanermut Peqqissutsimullu Iisimatusarnermut Institutsip ataaniingitsunut atorneqartartoq. Pisariaqarpat Iisimatusarfimmi aqqissuussaannermi allanguutit ilanngullugit missingersuutitut tapersiissutitut nutarterissummik missingersuutitut tapersiissutitut allanguutissatut siunnersuumik Naalakkersuisut saqqummiussissapput.

- c) Ilinniarfik aqqissuussaannerkut immikkoortortanut assigiinngitsunut arlalinnut aggulunneqassasoq ataatsimiititaliamit paasineqarpoq. Allaffissornikkut annertunerusumik aningaasartuutaanngitsumik tamanna tamakkiisumik piviusunngortinneqarsinnaasasoq naatsorsuutigineqarpa?

Akissut: Aap, aqqissuussaannerup allangorneranut aningaasanut inatsimmi Iisimatusarfimmut aningaasaliisoqassanngilaq.

10.19 Kontu pingaerneq 40.92.14 Ajoqissanik organistinillu ilinniartitsineq

- a) Ilinniartut allat assigalugit ajoqissatut organistissatullu ilinniartut ilinniarnersiuteqartitaanersut paasissutissiissutigineqassasoq ataatsimiititaliamit kissaatigineqarpoq?

Akissut: Ajoqitit organistitullu ilinniarnernut pikkorissarluni ilinniarnertit pineqarmata ingerlaavartumik ilinniagaqarnersiuteqartitsisoqarneq ajorpoq. Ilinniartut ullormusiaqartinneqartarput, aammalu modulini peqataanerni sulinermi isertitanik annaasaqarneq uppersarsarneqarsinnaapput taakku taarserneqarsinnaapput. Aammattaaq angalaneq nerisaqarnerlu akilerneqartarput.

Kisiannili ajoqutitit organistitullu ilinniartunut ullormusiat, akiliutinut taartit aningaasartuutinilu utertitsisarneq pillugit Biskopip kaajallaasitaa nr. 3, 10. april 2011-meersoq malillugu akiliinissamut piumasaqaataavoq ilinniartut modulini ataasiakkaani ilinniartitsinerni sivikinnerpaamik 85 %-iani peqataasimassasut.

10.20 Konto pingaarneq 40.92.17 Perorsaaneermik Ilinniarfik

Inuussutissarsiutit tunngaviumik qaffasissusilimmik isumaginninnermi ikiortitit ilinniarneq naliliiffiqarneqarsimava?

Akissut: Inuussutissarsiutit immikkoortuannut ataatsimiititaliami ataatsimiinnernut atatillugu Inunnik isumaginninnermi ikiortitit ilinniarneq ingerlaavartumik nalilersorneqartarpoq. Ilinniarneermik aqqissuussinermik annertunerusumik nutarterineq ukiumi aningaasaliiffiusumi 2009-mi pivoq, tassani semesterini assigiinngitsuni tiimit amerlassusaannut allannguutit inuussutissarsiutit immikkoortuannut ataatsimiititaliami akuerineqarput.

10.21 Kontu pingaarneq 40.92.18 Oqaatsinik Pikkorissarfik

Suliassami kisitsisini assersuutigalugu makku takutinneqarput: agguaqatigiissillugu atuaqatigiit amerlassusiat: 10, Ukiumut ilinniartut amerlassusiat: 15 aamma ukioq ataaseq ilinniartumut aningaasartuutit: 478.000 kr. Sanilliullugu kisitsisit taakku Perorsaaneermik Ilinniarfimmi tassaapput 18, 195 aamma 157.790 kr. Sanilliullugu Ilimatusarfimmi ukioq ataaseq ilinniartumut aningaasartuutit 199.202 kr.-iupput.

- a) Oqaatsinik Pikkorissarfimmi ukioq ataaseq ilinniartumut aningaasartuutit taama amerlatiginerannut suna tunngaviua?

Akissut: Oqaatsinik Ilinniarfiup pikkorissarfittut najugaqarnernut, nerisaqarnernut pikkorissartitsineranullu tunngasunut taakku assigisaannut annertuunik aningaasartuuteqarnera tunngaviuvoq. Oqaatsinik Ilinniarfiup aningaasartuutai taamaamat ilinniarfivinnut sanilliunneqarsinnaanngillat.

- b) Kisitsisit tunngavigalugit Oqaatsinik Pikkorissarfimmut aningaasaliissutinit pissarsiat Naalakkersuisunit nalilerneqarsimappat?

Akissut: Oqaatsinik Ilinniarfimmut aningaasaliissutit pissarsissutaanerat 2015-imi nalilersorneqassapput.

10.22 Kontu pingaarneq 40.94.11 Nunatta Atuagaateqarfia

- a) Nunatta Atuagaateqarfiani digitaliseeriineq aallartinneqarsimava aammalu atuakkanik elektroniskinnoritsinissaq sumut killippa?

Akissut: Kassetebånd-inut immiussat nutarternissaannut periarfissat Nunatta Atuagaateqarfiata misissornikuuai. Nalilernerqarpoq immiussat pisoqaavallaarnerat pissutigalugu ajoraluartumik atorneqarsinnaanngitsut. Aammattaaq immiussarpasuit angerlarsimaffinni immiussaapput, taakkunani assersuutigalugu nalunaaquttat sianertut tusaaneqarsinnaallutik. Piginnittussaataaerneramik apeqput tunngavigalugu Nunatta Atuagaateqarfia inatsisitigut ajornartorsiuteqanngitsumik allanut aamma nuussisinnaanngilaq (cd, mp3 il.il.). Nunatta Atuagaateqarfia saqqummersitsiviunngilaq, taamaamallu saqqummersitsisarnermik atuakkanillu immiussanik suliaqarnermik misilittagaqarani.

Atuakkanik saqqummersitsiviit soorlu Atuagkat aamma Milik Publishing atuakkat immiussat maannakut digitalisererpaat. Taakku saqqummerpata taakku qanoq siuarsarneqarsinnaanerigut Nunatta Atuagaateqarfiata misissorpaa.

- b) Tassunga atatillugu danskit atuagaateqarfii tamanna pillugu suleqatigineqalersimappat?

Akissut: Danmarkimi atuagaateqarfiit Danskernes Digitale Bibliotek, DDB, aqutigalugu "e-reolen"-imut 2014-imi isumaqatigiissuteqarput. Piginnittussaarnermik apeqput inissinneqaqqaartussaasimavoq. Nunatta Atuagaateqarfiata naalakkersuisoqarfimmit ikiorneqarluni e-reolen-imut isumaqatigiissutissaq maannakut suliaraa.

10.23 Konto pingaarneq 40.94.12 Kalaallit Nunaata Katersugaasivia Allagaateqarfialu

- a) 900.000 kr.-inik isertitat suminngaanneerpat?

Akissut: Nunatta Katersugaasivia Allagaateqarfialu kioskimi tunisinermi, katersugaasivimmuut isertermi akiliutinik (januarimut septembarimut), illunik titartakkanik inniminniinernit (titartakkanik toqqorsivimmit) kiisalu avataani suliniutinik isertitaqarpoq.

- b) Kalaallit Nunaata Katersugaasiviani Allagaateqarfianilu filminut toqqorsivimmik pilersitsisoqarsimava, taannalu ilinniarfimmuut pissusissamisoortumik atatilerlugu atorneqarsinnaasunngortinneqarsinnaava?

Akissut: NKA-p ataani filminik toqqorsivimmik aallartitsisoqarnikuunngilaq. Atortut paasissutissaqarfiusut tamarmik pisortat sulisoqarfiisa ingerlatsinerannut atatillugu suliarineqartut pissarsiarineqartulluunniit toqqorneqartussaapput, tassunga ilanngullugit filmit. Tamassuma saniatigut saqqummersitanik tamanik Groenlandicap katersugaataanut tunniussinissamik pisussaaffeqartoqarpoq, tassunga ilanngullugit aamma filmit.

- c) Toqqorsiviit digitaliusut ukiuni makkunani ineriartortinneqartut assersuutigalugu ukiut 50-100-t qaangiuppata aamma atorneqarsinnaanissaat qanoq qulakkeerneqarsinnaava?

Akissut: Digitalinngorlugit toqqortat pissarsiarineqarsinnaanerit eqqarsaatigalugu Nunatta Katersugaasivia Danmarkimi Statens Arkiver-ip periusaanik atuinissaq pillugu suleqateqalernikuuvoq. Tassa IT-mi atortut

imarisaat qarasaasiami nalunaarsuiffimmut statens arkiver-imit suliarineqartumut (toqqorsivittut taaneqartartumut) immikkut ittumut toqqorneqartarput. Tassunga peqatigitillugu piffissami siviisuumik piusinnaangorlugit fiilinnortinneqartarput. Taamaaliornikkut aqutsissutit, toqqortat suuneri il.il. allannornerat apeqquataatinnagu siunissami pissarsiarineqarsinnaanerit qulakkeerneqarpoq. Toqqortut taamaallit programmit aalajangersimasut Danmark-imi Statens Arkiver-ip ineriartortinnikuusai atorlugit ammarneqarsinnaapput takutinneqarlutillu.

10.24 Kontu pingaarneq 40.94.13 Timersornermut tapiissutit

Naalakkersuisut Kalaallit Nunaanni Timersoqatigiiffiit Kattuffiannut angusarisassanik isumaqatigiissuteqartut missingersuutit ilanngussami allassimavoq. Angusarisassanik isumaqatigiissummi aalajangersarneqarput Kalaallit Nunaanni Timersoqatigiiffiit Kattuffiata ingerlatassatut naatsorsuutigisai kiisalu naatsorsuutit saqqummiussisarnissamat piomasaaqatit. Isumaqatigiissutit taassuma kingumut atuuttussatut atsiorneqarnera, taamaallit pimoorussaanginnera, Aningaasaqarnermut Ataatsimiititaliamit siusinnerusukkut uparuarneqarpoq.

- a) Kalaallit Nunaanni Timersoqatigiiffiit Kattuffiannut angusarisassanik isumaqatigiissutit kingulliup assileneqarnera nassiteqquneqarpoq.

Akissut: Akissut taanna ilanngussatut nassaassaavoq

- b) Illuatungeriinnit isumaqatigiissuteqartunit tamanit isumaqatigiissut taanna qanga atsiorneqarsimanersoq paasissutissiissutigeqquneqarpoq, tassa tamanna isumaqatigiissummi erseqqissumik allassimangippat.

Akissut: Isumaqatigiissummi ersippoq.

- c) Naatsorsuutit saqqummiussinissaq immikkut siunertarlugu angusarisassanik siusinnerusukkut isumaqatigiissutit inernerinik naliliinerit Naalakkersuisunit qanoq malitseqartinneqarsimappat.

Akissut: Timersuutit assigiinngitsut kattuffiisa GIF-illu ukiumoortumik naatsorsuutaat tamarmik angusassatut isumaqatigiissummut aningaasaliissutinillu allaaserinninnermut sanilliullugit naalakkersuisoqarfimmit kukkunerisarneqartarput. GIF-imut angusassat pillugit isumaqatigiissutikkut ukiut tamaasa aqqiisoqartarpoq. Angusassat angunegarnissaat qulakkeerniarlugu tapiissutit marlunngorlugit avillugit akilerneqartarput.

- d) Kattuffinni ilaasortat amerlassusiannik kisitsisit eqqortumik takutitsisut suliarineqarnerat sumut killippa? Kisitsisit taakku tutsuiginassusiannik Aningaasaqarnermut Ataatsimiititaliap siusinnerusukkut tunngavissaqarluni apeqquusiisimannar tunngavialugu apeqquut isigineqassaaq.

Akissut: Angusassatut isumaqatigiissut naapertarlugu naatsorsuinnermik GIF januaarip aallaqqaataani 2015-imi nassitsissaaq. Paasissutissat ukioqassutsinut 0-14, 15-18, 19-30, 31 qummullu immikkoortinneqarsimassapput immikkualuttunngortinneqarlutillu. Ilaasortanut timersortartunut tapersersuisunullu kisitsisit tamarmik immikkoortinneqassapput. Kisitsisit

imaluunnit timersuutit assignngitsut kattuffiisa suliniutaannut allanut siulersuisut oqaaseqaateqarnerannik kinguneqarpata, tamanna ingerlaannaq naalackersuisoqarfimmut nalunaarutigineqassaaq. Aammattaaq angusassat pillugit isumaqatigiissut naapertorlugu ingerlatsinerit pillugit nalunaarusiap kingusinnerpaamik 1. marts 2015 nassiunneqarnissaa kissaatigineqarpoq. Tassani angusassat pillugit nalunaarummi ataatsimut isigalugu piumasaqaatit isiginiarneqassapput. GIF 2014-imi nalunaarsuiffimmik ineriartortitsinikuuvoq, tassani klubbit kattuffiillu nuna tamakkerlugu nalunaarusiorfimmut atatillugu ilaasortat amerlassusivii tunniuttassallugit. 2014-imut ilaasortanik nalunaarsuineq ilanngussatut nassiunneqarpoq.

10.25 Kontu pingaarneq 40.94.14 Nuna tamakkerlugu meeqqanut inuusuttunullu suliniaqatigiiffinnut tapiissutit

- a) Aningaasaliissutinik pissarsisartut ilaasortamik amerlassusiannik, kontumi pingaarnermi matumani suliassami kisitsisaasunik aqutsinerat qanoq ingerlava?

Akissut: Ilaatigut ataatsimiititaliap siusinnerusukkat apeqquteqarnera tunngavigalugu kattuffiit Sorlammi ilaasortat ilaasortaasa amerlassusaat eqqortuunerilu naalackersuisoqarfiup ukiuni arlalinni nakkutiginiukai. Kalaallit Nunaanni Spejderit 2013-imut ilaasortanik allattuiviit naatsorsuutilluunnit tunniussinnaanikuunngilaat, taamaammat spejderinut aningaasaliissutit 2014-imi ukiup affaata aappaani unitsinneqarput. Sorlaap ilaasortaasa amerlanersaat (2.000) tassaapput Sukorsimeersut ungdomsklubbinilu ilaasortat. 2014-imut naatsorsuutit 1.6.2015 nallertinnagu Sorlaap tunniutissavai. 2013-imut ilaasortat amerlassusaat aningaasanut inatsimmi taaneqartut kukkunersiorneqarput eqqortullu naalackersuisoqarfimmit aasami 2014-imi isumaqarfigineqarlutik.

- b) Sorlak aqutugalugu pisortat aningaasaataannik aqutsineq naammaginartumik ingerlanneqarpa aningaasanillu atuinnakkut anguniakkat anguneqartarpat?

Akissut: Sorlaap allaffeqarfia ukiuni arlalinni naammaginartumik ingerlanikuunngilaq. Tipsimit lottomillu pulje B-mi aningaasanik atornerluineq pissutigalugu Sorlaap 2013-imi nammineq pigisai -2,3 mio.kr.-iupput. Tipsimit lottomillu pulje B-mi aningaasat aamma aningaasanut inatsimmi peqatigiiffimmut tapiissutit Sorlaap immikkoortissinnaasimangilai.

Namminersorlutik Oqartussat kukkunersuisuat avataaneersaq oqaloqatigereerlugu peqatigiiffimmut tapiissutit akilernerqarnerannut atatillugu Sorlaap sakkortusisamik nakkutigineqarnissaa Naalackersuisoqarfiup marts-imi 2015-imi aalajangerpaa. Tamassuma saniatigut naalackersuisoqarfiup 2014-imi Sorlammik politiinut suliassannortitsinerata aalajangerneqarnissaata tungaanut Tipsimit lottomillu pulje B-mi aningaasanik Sorlaap aqutsineranik Naalackersuisut arsaassamaarpat.

10.26 Konto pingaarneq 40.94.17 Kalaallit Nunaata Radiua - KNR

- a) KNR-ip Naalackersuisullu naammassisassanik isumaqatigiissutaat kingulleq qaqugumut atuuppa?

Akissut: Angusassat pillugit isumaqatigiissut kingulleq 31. december 2012-imi atorunnaarpoq. Tamassuma kingornatigut nutaap

isumaqatigiissutigineqarnissaata tungaanut atorneqarsinnaanera isumaqatigiissutigineqarpoq. Kisianili radio tv-lu pillugit inatsit Inatsisartut 2014-imi akueraat, tassanilu aalajangersarneqarpoq innuttaasunik sullissineq pillugu isumaqatigiissut piffissamit 1. januar 2015-imit 31. december 2018 tungaanut isumaqatigiissutigineqassasoq.

Tamassuma kinguneraa innuttaasunik sullissineq pillugu isumaqatigiissut 2010-mi atsioneqartoq 31. december 2014-ip tungaanut atuuttoq.

- b) Illuatungeriit naammassisassanik isumaqatigiissutigineqartunut pituttugaappat?

Akissut: Illuatungeriit angusassat pillugit isumaqatigiissutikkut inatsisilerinermi pituttorsimangillat. Tamassumunnga pissutaavoq angusassat pillugit isumaqatigiissutip isumaqatigiissutit pillugit inatsisiniittut nalinginnaasut malillugit isumaqatigiissutaannginnera, taannalu assersuutigalugu imarisai malillugit eqqartuussivinni pinngitsaalliissummik malitseqartinneqarsinnaanngilaq. Angusassat pillugit isumaqatigiissut tassunga taarsiullugu isumaqatigiissutitut assingusutut isigineqassaaq, tassani politikikkut KNR-imut sinaakkutigitinneqartut kiisalu KNR-ip ingerlatsinerani angusassatut piumasaqaatit arlallit KNR-ip suliassamik suliaqarnerani naammassisaqarsinnaassutsip pitsaassutsillu suli ineriartortinnissaannut tapersiisut allassimallutik. Angusassat pillugit isumaqatigiissummi KNR-ip ingerlatsinerani siunissami ineriartortitsinissatut kissaatineqartut taakkulu pillugit politikikkut atugassaritinneqartut taamaalilluni illuatungeriinnit nalunaarutigineqarput.

- c) KNR-ip innuttaasunik sullissinissamik pisussaaffii kiffartuussinissamik isumaqatigiissuteqarsimanissamik piumasaqarfiuppat?

Akissut: KNR-ip innuttaasunik sullissinermi pisussaaffiini innuttaasunik sullissinissaq pillugu isumaqatigiissuteqarnissaq piumasaqaataanngilaq. Tamassumunnga pissutaavoq, KNR-ip innuttaasunik sullissinissamut pisussaaffii eqqarsaatigalugit suliassat aallakaatitassallu radio-mi tv-milu aallakaatitsisarneq pillugu Inatsisartut inatsisaanni kapitali 4-mi piumasaqaatit inatsimmi allassimasut tamatigut malinneqartussaananerit.

- d) Naalakkersuisut KNR-imik naammassisassanik isumaqatigiissutaat aningaasaliissutinik aqutsinissamik tunngavissiiva?

Akissut: Angusassat pillugit isumaqatigiissut aningaasaliissutini tunngavinnut qaqugukkulluunniit atuuttunut nalinginnaasumik sanilliunneqartarpoq. Angusassat pillugit upernaap ingerlanerani isumaqatigiissutigineqartussaag aningaasaliissutinik aqutsinermi tunngavigineqassanngilaq, tassa pissutsit isumaqatigiissummi killilersorneqartussat aningaasanut inatsimmi aningaasaliissutitut tunngavinnut sanilliunneqartussaammata. Angusassat pillugit isumaqatigiissummi siunertaaneruvoq immikkoortut pingaarnerit isiginiarneqarnissaat aammalu KNR-ip suliassa sullississutaasalu qulakkeerneqarnissaat siunertaralugu isumalluutit atorneqartut angusallu imminnut atanerisa malinnaavigineqarnissaat.

- e) Suliffeqarfiit allat taamatut naammassisassanik Namminersorlutik Oqartussanut isumaqatigiissuteqartut assigalugit KNR'ip naatsorsuutitigut nalunaarusiortarnera tamanna pillugu Namminersorlutik Oqartussat piumasaqaataannik eqquutsitsiva?

Akissut: Naatsorsuutitigut nalunaarusiornissamut qulliunerusumik piumasaqaatit KNR-ip malissavai, kisiannili KNR pisortat sulisoqarfiinut nammineertunut soorlu Ilisimartusarfimmu qitiusumillu ilinniarfinnut atuuttut akerliannik Namminersorlutik Oqartussat pisortatigoortumik naatsorsuuseriffiannik atuisussaangilaq, taamaammallu pisortat sulisoqarfiinut nammineertunut allanut sanilliullugu KNR-ip missingersuutinik ataavartumik malinnaanneranik naalackersuisoqarfiup paasisaqarnissamut periarfissaqarnera annikinnerulluni.

10.27 Konto pingaarneq 40.94.18 Katuaq

2014-imi aningaasanut inatsisissatut siunnersuutip oqaluuserineqarnerani ataatsimiititaliap suliasaqarfimmi Naalackersuisoq, Nick Nielsen apersorpaa, taannalu ataatsimiititaliamut paasisutissiivoq nunap immikkoortuini siunissami ingerlatassat pillugit nalunaarusioqqullugu Katuaq Naalackersuisunit qinnuigineqalersaartoq. Katuamut aningaasaliissutinit qanoq amerlatigisut kulturitta Nuup avataani nunanilu tamalaani nittarsaanneqarnissaanut atorneqarnerisut paasisutissiissutigineqassasoq ataatsimiititaliap taamani kissaatigaa.

- a) Tamanna tunngavigalugu sulinerup tamatuma killiffia paasisutissiissutigineqassasoq ataatsimiititaliamit kissaatigineqarpoq?

Akissut: Killiffik tassaavoq 2014-imut siumullu sumiiffinni ingerlatsineq pillugu nalunaaruteqartarnerit Katuap Ukiumoortumik Nalunaarutaani ilaasussaanagerat.

Katuaq illoqarfinni assigiinngitsuni katillugit arfinilinni ukuninnga 2014-imi angalalluni tusarnaartitsivoq isiginnaartitsillunilu:

- Nunatta Akisuaneri; Ilulissat, Sisimiut, Qaqortoq, Tasiilaq.
- Periarfeerussaag; Ilulissat, Aasiaat, Sisimiut, Qaqortoq, Tasiilaq.
- Pamyua; Sisimiut, Aasiaat (Nipiaa Festival suleqatigalugu),
- Florent Voillant (Kashtin); Sisimiut.

Nunatta Akisuaneri

Pauline Lumholdt (sopran), Ida Heinrich (mezzo-sopran), Josef Lund Josefsen (tenor), Emil Mølgaard (bass) Søren Johannsen pattatooq inuttaralugit Katuaq Kalaallit Nunaanni angalaartitsilluni tusarnaartitsinermik aqqissuussivoq. Ilaatigut taallioortut nunarsuarmi ilisimaneqartut kalaallilu taallioortut uku erinarsuusiat erinarsorneqarput: Henrik Lund, Hans Lyngø, Frederik Nielsen, Samuel Knudsen, Verdi, Offenbach.

Tusarnaartitsineq Ilulissani allaartinneqarpoq aamma illoqarfinnut Sisimiunut, Tasiilamut, Nuummumut ingerlaqqittoqarpoq Qaqortumilu naggasiisoqarluni. Inuit marluk Danmarkimiit Ilulissanut timmisartumut bilitsit tamassumalu Ilulissaniit illoqarfinnut ukuninnga angalanissaat Katuap isumagai: Sisimiut, Nuuk, Tasiilaq, Nuuk, Qaqortoq. Tamassuma kingorna inuit marluk Danmarkimut uternissaat inuillu pingasut Qaqortumiit Nuummumut uternissaat Katuap aamma isumagaa.

Timmisartumut bilitsit, akissarsiat aningaasartuutillu assigiinngitsut allat kr.

182.768-inik annerfussuseqarput.

Pamyua tassaavoq Yup'ik/Inuit nipilersortartut kulturiminnik tunngaveqartorujussuit, tunngavillu tamanna nipilersornermikkut oqariartuutigisarpaat. Takutitsineq uummaarissuuvoq aammalu nipilernerimi ileqquniit reggaemut, soulimut, jazzimut popimut funkimullu imaqarluni. Pamyua nunarsuaq tamakkerlugu tusarnaartitsisarnikuupput, ilaatigut Native American Music Award-imi (Record of the Year), Aboriginal music award-imi, Governor Arts Award-imi ajugaanikuulluni. Nipilersortut tassaapput: Phillip blanchett, Stephen Blanchett, Ossie Kairaiuak aamma Karina Møller. Nipilersortut: Kristoffer Jul, Nikolaj Frandsen aamma Anders Pedersen. Timmisartumut bilitsit, akissarsiat aningaasartuutillu assigiingitsut allat kr. 108.580-inik annertussuseqarput.

Florent Vollant (Kashtin)

Kashtin, nipilersortut marluk, tassaapput Florent Vollant aamma Claude McKenzie. Florent Vollant nipilersortunilu Katuami Sisimiunilu Taserallimmi nipilersortut. Katuag Canada/Island/Nuuk/Sisimiut akornanni timmisartumut bilitsinut tapersiivoq – Siumut uterlugulu timmisartumut bilitsit kr. 59.354-inik akeqarput.

Sporløs – periarfeerussaq

Katuap Kalaallit Nunaanni arlalinni qiuasaarilluni isiginnaartitsineq 2014-imi aaqqissuuppaa. Quiasaarummi pineqarpoq Orpap qatanngutaa, Dariisa periarfeerunneqarluni tammartoq. TV-mi aallakaatitaq "Sporløs" ikiortigalugu ujarlerneq aallartippaa. Nassaarissanerppaa? Naapeqqippata qanoq pisoqassava? Peqataasut tassaapput Rosa Olsen, Marie Mathiassen, Inga Hansen. Ilulissani, Sisimiuni, Qaqortumi Tasiilamilu isiginnaartitsisoqarpoq imatullu iluatsitsigaluni illoqarfinni amerlanerni isiginnaartitsisoqaqqilluni.

Aningaasarsianut, angalanernut, nassatat oqimaappallaarnerinut aningaasartuutit katillugit kr. 186.345-nik annertussuseqarput.

Takussutissiaq tamarmiusoq

Ateq:	Aningaasartai
Nunatta Akisuaneri	182.768
Pamyua	108.580
Florent Vollant (Kashtin)	59.354
Sporløs - periarfeerussaq	186.345
Katillugit	537.047

10.28 Konto pingarneq 40.94.27 Oqaasileriffik

- a) Suliassarqarfimmi ukiumi kingullermi ingerlatat pillugit qanoq paasissutissiisoqarsinnaava?

Akissut: Oqaasileriffik IKIIN-ip ataani sulisoqarfiuvoq, suliassaralugulu kalaallit oqaasii pillugit inatsimmi atuuttumi sinaakkutit iluanni sulinissaq. Oqaasileriffik Oqaasiliortunut, Nunat Aqqinik Aalajangiisartunut aamma Inuit aqqinik Akuersisartunut, tassunga ilanngullugu oqaatsit pillugit teknologi, allatseqarfiuvoq.

Digitalilinerneq isiginiarlugu 2014-imut Oqaasileriffimmut aningaasanut inatsimmi sinaakkutit annertusinerisigut kalaallit oqaasiisa teknikkia pillugu suliniutip siornatigut aningaasaateqarfimmit avataaneersumit aningaasalersorneqartup januarip aallaqqaataanit 2014-imut ingerlaqqissinnaanera qulakkeerneqarpoq. Sinaakkutinik annertusisitsineq ilaatigut kinguneqarpoq:
- FST-ip parserillu aserfallatsaaliornarisa unitsinneqaratik ingerlaannarnissaat.

- Katersat tassaasup kalaallit, danskit tuluillu oqaasiisa akornannit oqaatsinik pingasunik ordbogimik qarasaasiami nalunaarsuiffimmik suliniut, iluarsaamera ineriartortitsinerlu. Katersamik iluarsaassineq ineriartortitsinerlu siunissami ingerlaannartumik nutserisarnissap piviusunngortinneqarnissaani pinngitsoorneqarsinnaanngillat.

- Corpusip (nunatsinni oqaaseqatigiinnik toqqorsiviup) piareersarnerani programmit nutaalliaalluinnangortillugit naqqammik ineriartortinneqarput:

- Kleinschmidt-p allannngortitsissutaa nutaalliaalluinnartumik moduleqarluni, oqaatsinik ilisarinninnermut nutserinermullu programmilerlugu 2013-imi aallartinneqartoq inaarsarneqarpoq.

- Oqaaseqatigiinnik katersat, corpusimik taaneqartartut, pissarsiarineqarnissaat siunertarlugu Islandip Nuna Tamakkerlugu Atuagaateqarfianit aviisitoqqat tigusinnaanissaannut isumalluuterpaaluit atorneqarput.

- Teknologi pillugu ingerlaavartumik suliassanik sularinnineq, tassunga ilanngullugu Nutserisoqarfimmut sullissineq.

Oqaasiliortut ilaatigut uku sularaat:

- Uumasut, aatsitassarsiornermi, naasut, ivikkat orpikkallu taaguutaat aamma pisortat taaguutaat. Tamassuma saniatigut inuit Avanersuarmit allattaaseq pillugu saaffiginnipput.

Nunat aqqinik aalajangiisartut ilaatigut uku sularaat:

- Kalaallit Nunaanni Atlas-imi sumiiffiit aqqi llinnisiorkfik aqqjissuisoralugu saqqummersitassanik sukumiisumik misissuineq.

- Savalimmiut atlas-ianni Kalaallit Nunaannut nunap assinganik sukumiisumik misissuineq.

- Sermit uukkartartut pisortatigoortumik aqqi pillugit saaffiginnissut. Sermit uukkartartut aqqi 754-it misissorneqarput.

- Kangerlussuup eqqaani sumiiffiit aqqi akuerineqarnikut misissorneqarput apeqquteqartumullu ingerlateqqinneqarlutik.

Inuit aqqinik akuersisartut Oqaasileriffimmi suliqarfiusunut allanut sanilliullugu avataanik ukiut ingerlaneranni saaffigineqarnerpaajunikuupput. Saaffiginnissutit katillugit 197-junikuupput, taakkunannga 56-it atermik akuersinissamik qinnuteqataallutik, 48-it aqqit isumaannik il.il. apeqquteqataallutik.

b) Taaguusersuutitik nutaanik atuilernissamik aalajangiisoqartinnagu oqaasileriffik tamanut tusarniaasussaava?

Akissut: Ilisimatsitsissutigineqassaaq Oqaasileriffik aamma Oqaasiliortut assigiinngitsut marluusut.

Oqaasiliortut pillugit inatsit atuuttoq naapertorlugu, Oqaasiliortut suliassaraat kalaallit oqaasiinik, oqaatsinik iluseqataalersuinernik oqariartaatsinillu nutaanik katersuineq, nalunaarsuineq akuersinerlu. Oqaasiliortut aamma suliassaraat kalaallit oqaasii pillugit apeqqutit pillugit oqartussanut innuttaasunullu ilitsersuineq. Oqaasiliortut aammattaaq suliassaraat sulisoqarfiit kalaallit atiinik akuerisaanik nalunaarsuisunik innersuussuteqartunilluunniit suleqateqarneq.

Oqaasiliortut kalaallit oqaasiinik oqariartaatsinillu nutaanik akuersisinnaatitaanermi, tassungalu ilanngullugit naalisaarnernik allamiullu oqaasiinik, akuersinnginnermi suliamik ilisimasaqartut suleqatigalugit

sukumiisumik misissuisoqartassaaq. Taamaammat aaqqissuussamik tusarniaasoqarneq ajorpoq.

10.29 Konto pingaarneq 40.95.05 Nunatta Isiginnaartitsisarfia

- a) Aningaasaliissutit ilaat qanoq amerlatigisut isiginnaartitsisartussanik ilinniartitsinermut atorneqartarnersut suliassami kisitsisinit takuneqarsinnaanngilaq. Tamanna pillugu qanoq paasissutissiisoqarsinnaava?

Akissut: Isiginnaartitsisarfik naapertorlugu isiginnaartitsisunngorniarfimmu ukiut 1,2 mio. kr. atorneqartarput.

- b) Ilinniartut qanoq amerlatigisut ilinniartuutigineqarsimappat, taakkulu ilinniarnerminnik naammassinnereernermikkut suliffissatigut qanoq periarfissaqarpat?

Akissut: Ilinniartut tallimat 2012-imi aallartipput, taakkunanga sisamat ilinniarnertik 2014-imi naammassivaat. Ilinniartut sisamat nutaat ilinniarnertuunngorniarlutik 2014-imi aallartipput. Kalaallit Nunaanni isiginnaartitsisarnermi aalajangersimasumik atorfiit amerlangillat, taamaammat isiginnaartitsisartutut ilinniarsimasut inuussutissarsionermi periarfissaat tassaanerupput freelanceritut sulineq.

- c) Aliikkutaralugu isiginnaartitsisarfiit najukkanilu isiginnaartitsisarfiit allat nunatsinni qassiuppat?

Akissut: Aningaasarsuutiginaq isiginnaartitsisarfiit ullumikkut arfineq marluupput. Nunatta Isiginnaartitsisarfia aningaasarsuutiginaq isiginnaartitsisarneq pillugu Nuummi majimi isumasioqatigiissitsivoq kiisalu isiginniartitsisartunut isiginnaartitsisarneq pillugu workshopeqartitsilluni.

- d) Nunatta isiginnaartitsisarfiata piffissaq aallarnisarfigisaa qaangiuttut isigineqarpat isiginnaartitsisarfillu ingerlallualertut isigineqalerpat aningaasaliissutinit pissarsissutaasartut naliliiffigineqassappat?

Akissut: Nunatta Isiginnaartitsisarfia pillugu nassuiaatip 2015-imi suliarineqarnissaa Naalackersuisut pilersaarutigaat.

Inussiarnersumik inuulluaqqusilluta

Daniel Gottrup

Toqq/direkte 345852

dago@nanoq.gl